

An den Herren de Launay Authorn dises Theatri.

Mein Freund Launay wann ich bedēck in meinē herze
Was in disem Schauplatz vns dein kunstreiche hand/
Artig beschriben hat/ vnd treulich gmacht bekandt/
So beweine ich/ mit dir/ mēschlichs ellēd mit schmerzē.

Vñ bey mir selbs ich sag: Was ist des Menschē kindē?
O Herz! wie ist sein zeit so kurz? was angst vnd noth
Muß er von jugendt auff aufstehn biß in den tod?
Dis vnglück kömmt vns her von Adams biß vnd sünde.

Vnser leben ellend in steter forcht vnd bschwerden
Aufstehet manche gsahr. Der Tod schleicht vns nach:
Vnder des laufft die zeit dahin gar schnell vnd iach.
Vnd kömmt der tag herbey/ da wir auffglöst sölhn werdē.

Sih da/ auff was gestalt vnser leben vergehet/
Vnd wegen vnser sünd / (welche ist ohne zahl)
Vns gegen vnserm Gott vnd Schöpffer allzumahl
Schamroth macht: Dañ sie stets für seinē augen stehet.

Wann ich aber dann auch im gegentheil bedencke/
Des menschen würd vnd ehr/ vñ welches willen Gott
Dis so sūrtrefflich werck/ die welt / gemacht hat/
Vnd über alles sam̄t die Herrschafft ihm thun schenckē/

So sprich ich/ der mensch ist selig vnd voller ehren/
Wann er sich selbs recht kennt: vnd weist in einer sum̄/
Daß er von Gott in d̄welt erschaffen sey daruñ/
Daß er stets preiß vñ rühm Gott sein schöpffer vñ herrē.

Ob er gleichwol erstlich scheint ganz onvolkommen
Nan weder sehn noch gehn/ ist stum̄/ dem vihe gleich.
So wirt er doch gar bald an sterck vnd krefft reich.
Durch ein göttliche krafft/ so auß dem Himel gnomē.

Vnd ob er schon wehrloß wirt in die welt geboren/
Ein schwacher/ blosser mēsch: weist er doch daß in Gott
In einer bessern gestalt begabt vnd groaffnet hat/
Über all andre thier/ mit weißheit außerkoren. (te/

Der m̄sch hat die weißheit/ vñ ein vernūfftig gmūo
Daß er sein Gott erkenn: vnd ein vndercheid mach
Entzwischen böß vnd gut: dem guten henge nach/
Vnd vor dem bösen sich/ als dem schädlichen/ hūte.

Es schawet das dölle vñ gen boden allermeiste.
Aber des menschen aug ist stets gen Himel gwandt/
Stetig zu schawen an sein rechtes vatterland/
Auß welchem kommet her sein vnsterblicher geiste.

A iiii

Drum